

www.BibleForChildren.org

Matyu 26



Tek nem kdaw ne
duen kehto yóm
mò ken bong bè yóm
Kdaw Khius. Lemwót
Jisas mógów ebè Bitani, yóm
benwu Lasarus, yóm tehe tau
hlowilen. Bong ke Midi
kun, wen sotu sobuy
hboo nwahen, yóm boo boluyen
nard, yóm laen dù boolen, alì
mebtes, ne tey tilob boohen. Gotu
koken te ti Jisas, ominen bud mifu du weken. Botong
lengenben gu lem gónô gónón e mbel boohen.



Kogolen bè yó, lemwót Judas Iskariyut, sotu bè yó kem sfolò lewu gel lemolò ke Jisas, tódô mógów ebè tu kem geta bè yó kem gel demsù ebè Dwata, tulónen kul yóm kmò któbóngen kul anì gekfô le Jisas. Ya tey ktimu óyô le bè yóm kungol le du, glok le fmasad du filak mò ofolen. Kewóten bè yó ne, sónmò Judas mebel lanen anì gekfô le Jisas.



Tahu se, tódô lolò le yóm deng mon
Jisas mò kul, ne nmò le yóm ken
mò ken le bè yóm kifu yó. Yóm igò le
tolo mken, nwa Jisas yóm mambang,
bede nan ne mni bè Dwata. Ominen
kembéng du, ne blayen yó kem gel
lemolò du, yó monen, “Ni se
yóm dou lówó. Nwa ye, ne ken ye.”



Ominen mkay yóm tgrayan gónón
nô yóm ninum le, nan na bud
mni bè Dwata, ominen mon du mò
kul, “Ni sensinum ye. Ni se dou litô
mò hemget du yóm deng fasad
Dwata bè kem kun tau. Ne tey dê
tau gónón gamà nim litóu ni mò
lan Dwata hmifót salà le.



Mon Jisas mò ke Pitér, “Hol ten-gamahem, Simun. Deng bal Seitan bè Dwata yóm angat ktilówen kuy. Hol lómó kmoen kuy, lómón kmusu halay. Okóm deng eles utómu u, Simun, bè yóm knihu bè Dwata anì là lanahen yóm kehtahuhem. Sok deng bud mulék nawahem ebéléu, hol ten-gelem lu yó kem dumuhem deng hemtahu.”



Bnalà Pitér se, monen, “Baluen he ke bnanngui, Sér, senced nóm ke matayi, là kô naw e tebel kóm.”
Ne bnalà Jisas Pitér, monen, “Tódô tulónu kóm ktahuhén, Pitér. Gu laanen là deng kmóót onuk kifu ni kdeng, deng sana tlu dulékem ne hmalà yóm ketngónem dou.”



Ngang le Jisas mógów efet le kól bè yóm sotu ngà hungul koyu boluyen Gitsimani, ne mon Jisas mò yó kem gel lemolò du, “Na ye myón bè ni bè yóm igou mni bè Dwata bè tuu.” “Ó Mà, laen dù là gbekem du. Hol kóhem tahu dé yóm angat tey hlayamu. Okóm balù wen se ni hem dou kóyô, yó dém kóm kóyô tódô hendengem.”



Ne tódô lemwót se Judas mógów ebè yó, nalaken yó kem tey sendalù wen, hono tau lemwót bè Rom. Mung kul yó kem tau gel mentey bè Gónô Dwata hógów yó kem tau hol geta bè yó kem gel demsù ebè Dwata ne yó kem Farisi.

Gotu le mit ngom sfatay, ne bud le mit solok. Ne sotu bélê le tmibó yóm sotu gel dók yóm hol geta bè yó kem tau gel demsù ebè Dwata, okóm olon sfak klingu kwananen. Okóm bnólów Jisas, monen, “Geblaen yó ne.” Ne nduen yóm tuhod klinguhen, ne hol lómón ke laen dù hemenen.



Kogol yóm kudél Jisas ebélê le, omin le kemfô du, nwit le ebè gónô yóm geta bè yó kem tau gel demsù ebè Dwata. Bè yóm kwit le ke Jisas yó, holun huli du Pitér. Tikóng le kól ebè yóm gónô gónó le e mit ke Jisas, wen ofi deng hbong le talak lósól yó kem tau mò gónó le mnalang, ne gbót myón lem blóng le Pitér.




Okóm mudél yóm sotu tau
gel dók yóm hol geta bè
yó kem gel demsù ebè
Dwata. Du se sotu
dumun setwoli Malkus,
yóm tau le senfak Pitér
klinguhen. Monen mò ke Pitér,
monen, “Lómón tô tonu uu
sломong du tum tau tuu ditu
bè yóm ngà hungul koyu.” Okóm
bud hnalà Pitér, ne tódô sen-gengen
se kmóót onuk. Unin gbel bè nawa
Pitér yóm yó, tódô hewà, ya
tey sidek kkiken.



Kewót le bè yó ne yó kem tau mogot kukum yó, nit le Jisas ebè Gubérnor Paylét. Snólók Paylét Jisas, monen, “Uu kô yóm tau hol geta bè yó kem Ju?” Ne bnalà Jisas, monen, “Duhen yó sem deng monem yó.” Bong ke Paylét kun, yó hol kun tô kóyô ke hewaen Jisas, yó gónón bud mudél ebè yó kem tau.

Bede yó kem tau yó, mom lenwê le hetê ebè Paylét, mon le,


“Htutukem bè kros.
Htutukem bè kros.”




Tahu se, tódô hlus Paylét ebélê le Jisas anì na le e htutuk bè kros. Kewót le bè yó, nwit le Jisas, tódô htihang le du yóm kun kros. Nwit le ebè yóm benwu boluyen “Bangag Kulu.” (Yó boluyen bè udél Híbru, “Golgata.”)



Ne bè yó gónó le tmutuk ke
Jisas bè yóm kros. Lewu tau
homong tnutuk le, sotu hteg le fi
bè iwóngen, sotu se fi bè
kwananen.



Uma kóm bè yóm Gónô Dwata, wen tey nes mfól mò
seng yóm dfél gónóhen nô Dwata, tódô ton le lómón ke
hninggel dnólóhem bè gónón sóól. Bè yóm kekséen yó,
omin Jisas hgel udélen, monen,
“Ó Mà, hogotu kóm nim klowilu.”
Kogol yóm kudélen yó,
tódô milot se nawahen.



Bè yóm kdaw katay Jisas, kdaw
snaan yóm Kdaw Kehegnô yó
kem Ju, yóm kdaw eles gel
kehtifes le bè yóm Kdaw
Kehegnô. Timbow deng
móyón kimel bè yó,
wen sotu tau sut
boluyen Jusif, tau
lemwót bè

Arimatiya.
Du se sotu bè yó
kem tau gel kmukum
bè yó kem Ju, ne tey
kadat le du. Gel
hendónen snéen kun
yóm kdaw angat kogot
Dwata tau. Yó nmoen,
tódô mógów ebè Paylét
nan e bal du yóm
kwahen lówó Jisas.



Tódô lemwót Jusif bè yó na a bemli
yóm kumù bukay, ominen bud
mulék etu bè yóm benwu
gónó le hmatay ke Jisas.
Tódô nwahen elaan
yóm lówóhen, ne
lenambungen yóm
kumù bukay.
Ominen yó meted

du bè yóm kilib
deng tehe eles
hokolen
bè but léhék,
ne bè yó gónón
lembeng du. Ne wen
botu bong hluyen
ebè yóm bak lebeng
mò sengen.



Timbow deng hayahen bè yó, uma
kóm kul Kdaw Kehegnô yó kem
Ju, gotu le mógów ebè
Paylét yó kem geta bè
yó kem gel demsù ebè
Dwata ne yó kem
Farisi.



Mon le mò du, “Ó Sér, gtulón bè nawa
me yóm tehe monen tum tau mò
kéng tu yóm kegenen tolo
mowil, ‘Bè getluhen kdaw,
bud hlowil Dwata ou.’
Tahu se, lemwót le. Ya
tey bud kehget le du
yóm seng bè bak
lebeng Jisas.”



Wen deket nmò le bè baken anì dilô
le ke wen tau tô mkó du.
Ne wen kem sendalù
tebel le mò mentey
bè yó.




Timbow kogol yóm Kdaw Kehegnô,
yóm hanà tolo minal mwas bè
Akad, lemwót Midi, yóm Midi
lemwót bè Megdala, ne
yóm sotu Midi, tódô le
temkifu na le e nauy
lebeng Jisas.

Timbow le kól ditu,
tódô mbel tey linol
bong.



Ne wen hógów Dwata htuntun gu bè
longit sut bè yó, tódô hluyen yóm
botu seng bè baklebeng, ne
tódô bud myón tahen. Ya
tey sidek klikò le yó kem
sendalù mentey bè
yó, tódô setbol kkel
le, ne tódô le gotu
masà bè tonok,

lómón ke deng
le gotu matay.



Ne mudél yóm hógów Dwata ebè yó kem libun, monen, “Bê ye abay hlikò. Tngónu hnebel ye Jisas, yóm lomi tnutuk le bè kros. Là buden nô bè ni ne. Deng hlowil Dwata lómón yóm tehe mon Jisas mò kuy. Ngem ni


hnénég ye yóm tehe gónón masà.”



Tahu se, kendel le lemwót yó kem libun.
Ya tey kligal le, mung du yóm klikò le.
Tódô le mlóy na le e tô tulón yó kem
gel lemolò ke Jisas. Bè yóm igò
le mlóy, tódô senlong Jisas lu, ne
monen mò kul, “Dwata he
henek nawa ye.” Tódô le hlóni
ebéléén yó kem libun, mtud
le bukol
bè

soluhen, ne nogot le tihen.





Bè hol sòn yóm kehegfán Jisas, tódô sut lem blóng yó kem sfolò sotu dù gel lemólò du bè yóm igò le tolo mken. Nudélen lu lemwót bè yóm là kehtahu le, ne lemwót bè yóm kgel kulu le, yó gónó le alì hemda du yóm tulón yó kem tau deng mton yóm bud klowilen. Kogol yóm kudél Jisas ebélê le, ominen tódô ganag haway etta bè longit, ne myón fi bè kwanan Dwata.



Tey alì kbong nawa Dwata kul yó kem
tau bè klamangen benwu, gloken tódô
hamà klowil yóm Ngaen tek sotu, anì
yó, kihu tau hemtahu béléen là
gógówen elem hatay, okóm
gutahen yóm klowil
laen dù sónen.



Rom 3:23 Tódô kdéen tau gotu gemsalà bè Dwata. Yó gónóhen laen dù tau gmulit du yóm tey kun klinggel nawa.

Rom 6:23 Yó bayad salà, hatay. Okóm wen yóm tódô blay Dwata, duhen yóm klowil laen dù sónen, hlanan bè yóm deng kessotu tekuy bè Krays Jisas, yóm gónó tekuy mogot.

Hibru 9:27 Laen kô dù tau se ke là suléken du matay, omin Dwata kmukum du.

Ifisus 2:8,9 Yakà lemwóten bè kun tóbóng Dwata yóm gónó tekuy gewà gu lem hatay lan tekuy hemtahu bè Krays. Là kóen lemwót bè nmò tekuy gónó tekuy gewà, kaem tódô lemwót bè yóm kun tóbóng Dwata. Laen kô bang gónó tekuy hegmón du nim ni.



Rom 10:9,10 Ke gel tulón ye bè dumu tau yóm Jisas hol gónó ye mogot, ne ke hentahu ye yóm deng kehlowil Dwata du gu lem hatay, yó se gónó ye gewà gu lem hatay. Abay se lemwót bè yóm kehtahu tekuy, yó se gónón baling tedeng kton Dwata tekuy. Ne lemwót bè yóm gel ktulón tekuy du bè kem dumu tau yóm deng kehtahu tekuy, yó se gónó tekuy gewà gu lem hatay.

Jan 3:16,17 Tey alì kbong nawa Dwata kul yó kem tau bè klamangen benwu, gloken tódô hamà klowil yóm Ngaen tek sotu, anì yó, kihu tau hemtahu béléen là gógówen elem hatay, okóm gutahen yóm klowil laen dù sónen. Là kô yó du gónó Dwata hógów yóm Ngaen elem benwu ke nan e tnuled kem tau. Okóm yó gónón hógów du mò lemwà kul gu lem hatay.



1 Jan 5:11-13 Ni sii yóm deng mon Dwata: Wen klowil laen dù sónen deng blayen tekuy hlanan bè yóm Ngaen. Yóm tau ke deng henmóyóen yóm Ngà Dwata, deng gutahen ne yóm klowil laen dù sónen. Okóm ke là henmóyóen du, là kô gutahen du yóm klowil yó. Yu kem tau deng hemtahu bè kun Ngà Dwata, yó gónóhu smulat ebélê ye ni anì hol tngón ye yóm deng eles kwen yóm kuy klowil laen dù sónen.



Matyu 26-28; Luk 22-24; Jan 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Tboli Bible (tbl) © 2007, Wycliffe Bible Translators, Inc. All
rights reserved.

<https://www.bible.com/bible/288/GEN.1.TBL>

©2025 Bible for Children, Inc.

www.M1914.org

www.bibleforchildren.org

